

TIME OUT

Talk Show Deportivo

cu CLARET LOPEZ

Sr. Peter Simon Entrenador di Atletismo.

Kiko ta pasando den federacion di atletismo? Mester di cambio?

AWE

23 JUNI

PA 6:30 PM

15 
ATV

Kende ta bin pa weganan di reino?

Segun Greta van Susteren:

Paul van der Sloot tabata hopi nervioso durante "encuentro"



mayornan di e sospechoso Joran.

Manera DIARIO a divulga den su edicion di Diaranzon caba, cu e mama di e estudiante desapareci di Alabama, a acudi den oranan di merdia na cas di Paul van der Sloot na Montaña.

El a haci esaki den forma di un mama desespera pa haya informacion encuan to su yiu Natalee. Aunke e encuentro aki por muestra di ta algo inocente, DIARIO a haya sa cu algun oficial di autoridad no a gusta e asunto aki at all.

E conocido presentadora Greta van Susteren di e programa "On The Record" riba Fox News Channel, a



Momento cu Paul a caba di invita Beth pa drenta su cas.

acudi na e cas di famia Van der Sloot cu dos cameraman y tambe cu Beth Holloway **sigui lesa pag.11**

Paul a caba di habri e heki di cura di cas, pa laga Beth y Greta drenta su cas. Potret cortesia FNC.

ORANJESTAD (AAN): emocional, e mama di Den un encuentro Natalee a confronta e

continuacion pag. 10

Twitty, e mama.

Ora nan a yega pafor, ta e mama Beth a cuminsa ta bisa "Hello, anybody's at home?". Un cachu den cura a bin topa cu nan.

E mama a keda cu voz na halto ta bisa cu e kier papia cu nan.

Diripiente e porta dilanti di cas a habri, y un otro cachu a bin pafor cu rabo ta yanga felizmente. Pero patras di e mata por a mira Paul van der Sloot ta purba di vigila ta kende ta na su cura di cas.

Te ora cu Beth a revela cu e ta mama di Natalee, e ora numa Paul a bin dilanti cu braza habri y cana bin den nan direccion. Aki e mama

Beth a bise, cu e kier a trece un carchi di oracion pa Paul.

Ora cu Paul a yega cerca,

mesora el a ofrece su hospitalidad, y invita nan pa bay paden. Esaki mesora a worde acepta door di Beth y Greta van Susteren. Pero Paul a pidi pa e cameranan no worde treci paden, y Fox News a acepta esey.

LOKE E TATA

A REVELA AWOR

Pa 90 minuut largo nan a sinta na mesa di comedor of den cushina, y papia sin stop.

Den su programa despues, algun detaye a worde revela door di Greta van Susteren.

Tata di Joran, esta Paul, a revela, cu Diadomingo anochi dia 29 di Mei, pa 11'or di anochi, su yiu Joran a yame y pidi pa pasa buske na altura di McDonald's. E ora Paul a sali for di su cas, y bay buske y trece cas.

Paul aki ta revela, cu e no tabata sa mes cu Joran a "slip y sali" back for di cas y bay Carlos 'n Charlie's. El a agrega cu esaki ta contra reglamento di dje y di cas.

Paul a indica, cu e no sa ki ora Joran a bin back cas. Ademas e no ta corda tampoco si e siguiente mainta el a lante for di soño, ni si Joran a bay school mes e Dialuna ey.

E mama di Joran, identifica pa Fox News Channel como Anita van der Sloot, a declara durante e 90 minuut di encuentro aki, cu Joran a bise cu nan a djis baha Natalee na e beach di Fisherman's Hut, y nan a bay back cas. Pero Anita no tin un splicacion con su yiu Joran a yega cas back.

Greta van Susteren a revela den su programa, cu visiblemente durante e encuentro, Paul tabata



Momento cu Anita van der Sloot ta rek pa duna Beth Holloway Twitty un sunchi na su cara. Foto di Fox News Channel.

nervioso, y tabata move su man constantemente.

DIARIO tabata e prome medio di comunicacion na Aruba y hasta internacional, cu a revela cu e motibo cu a laga e tres testigonan liber prome, tabata pa sigui nan pasonan via di vigilancia, tapmento di telefon, celular, y trafico di internet.

Awor Diamars, e tata di Joran mes a revela cu e tapmento di telefon ta e motibo di con awor e no por bishita su yiu kende ta encarcela.

Paul ta esun, kende awor a revela cu un poco despues di desaparicion di Natalee, via telefon el a conseha su yiu pa e stop mesora y no papia di e caso mas. Polis a tap e combersacion ey, y pesey Fiscal a prohibi e tata di comunica awor cu su yiu.

E mama a revela cu e motibo di con e tata a conseha Joran pa stop di papia, ta debi cu Joran a habri su boca mucho na school, comentando y blof riba e caso aki, y encunto Natalee.

Beth Holloway Twitty a

revela den su entrevista di Dialuna, cu e ta mira Joran como un hoben arrogante. Riba esaki, e mama di Joran a bisa cu su yiu no ta arrogante, pero mas bien e ta yen 'confianza'.

Beth tabata firme ora di e encuentro, y a papia riba e anger management di Joran. Pero Anita a contesta, cu esey no precisamente ta e caso.

E mama Anita a revela cu Joran algun biaha ta worde interroga tin biaha pa 11 ora largo diariamente, den un oficina frieu. Cada rato, Recherche ta pone un potret di Natalee su dilanti, y nan ta yame un "asesino".

Tur dos mama a muestra di ta preocupa. Beth Holloway Twitty ta convenci cu Joran por duna contesta den e caso aki, y pesey el a acudi na cas di famia Van der Sloot, pa purba wak si e por haya contesta di e mayornan.

Na final-di e encuentro, tur hende a sali back di e cas, y finalmente a gradici otro, y Anita y Beth a duna otro un sunchi.